



LE GOUVERNEMENT  
DU GRAND-DUCHÉ DE LUXEMBOURG  
Ministère d'État

REÇU  
Par Christine Wirtgen, 15:04, 12/05/2020

Luxembourg, le 12 mai 2020

Monsieur  
Marc HANSEN  
Ministre aux Relations avec le Parlement  
LUXEMBOURG

**Objet:** Réponse de Monsieur le Premier Ministre, Ministre d'État, de Monsieur le Ministre de l'Économie, de Monsieur le Ministre des Classes moyennes et de Madame la Ministre de la Santé à la question parlementaire N° 2044 de Monsieur le Député Jeff Engelen au sujet du soutien aux entreprises et indépendants impactés par le coronavirus

Monsieur le Ministre,

J'ai l'honneur de vous faire parvenir en annexe la réponse à la question parlementaire n°2044 du 10 avril 2020 de Monsieur le Député Jeff Engelen.

Veillez agréer, Monsieur le Ministre, l'expression de ma haute considération.

Le Premier Ministre

Ministre d'État

**Réponse commune de Monsieur le Premier Ministre, Ministre d'État, de Monsieur le Ministre de l'Économie, de Monsieur le Ministre des Classes moyennes et de Madame la Ministre de la Santé à la question parlementaire N° 2044 de Monsieur le Député Jeff Engelen au sujet du soutien aux entreprises et indépendants impactés par le coronavirus**

- 1. Et héiert ee vun Dokteren a Leit a paramedezinesche Beruffer, datt si keng Äntwert oder Confirmatioun kréien, wa si sech iwwert d' Internet-Prozedur fir esou en CDD mat hirer digitaler Ënnerschrëft androen. Ass dat normal oder gött et do eventuell en informatesche Problem?**

An den éischten Deeg nodeem d' Internet-Prozedur fräi geschalt ginn ass, si ganz vill Demanden beienee komm. Dat huet gemaach dat alt mol en zäitlechen Décalage tëschent der Aschreiwung an der Äntwert respektiv dem Envoi vum contresignéierte Kontrakt zu stane komm ass.

- 2. Och wann d' Aschreiwung richteg fonctionéiert, schéingt et um Ministère Schwieregkeete beim Verdeele vun de Aufgaben un dës Medezinner a Paramedezinner ze ginn. Si kréien heiansdo eng Zäit keng Informatiounen odersi ginn op eng Plaz affektéiert, nëmme fir dann nees kuerzfristeg ofgesot zekréien. Sinn dat just Ulafschwieregkeeten oder ass den Zerwiss, dee sech heirëmkëmmert, mat den Demanden iwwerlaascht? Schafft de Ministère hei u méi engereffikasser Organisatioun?**

Éier d'Équipen d'Leit affektéiert hunn, muss fir d'éischt de Besoin um Terrain recenséiert ginn. D'Etablissementer am Santéssecteur haten sou d'Méiglechkeet zu all Moment hire Besoin per Mail eran ze schécken. Op Basis dovun ass d' Personal dann affektéiert ginn. An Zäite vun der Krise huet do missen flexibel op d'Demanden reagéiert ginn. Dëst ass ëmsou méi wouer an de 4 Centres pour soins avancés (CSA). Dës Etablissementer sinn extra fir d'Gestioun vun der Krise en Place gesat ginn Enn Mäerz. An deene 4 CSA'en huet een sech permanent op d'Evolutioun vun den Infektiounen an der Zuel vun de Patienten missen adaptéieren. Dëst göllt och fir d'Visites à domicile déi am Dag an an der Nuecht vun den Équipen vun den CSA'en mat gemaach gi sinn. An dësem Kontext ass et virkomm dass Leit kuerzfristeg ofgesot kruten well zum Beispill eng Ligne manner an engem CSA war oder d'Auerzäiten vun den Haus besich adaptéiert gi sinn.

- 3. Fir vill fräiberufflech Medezinner a Paramedezinner ass esou en CDD eng wichteg finanziell Hëllef, déi hinnen erlaabt, hir Onkäschten ze decken, obwuel si duerch d'Situatioun keng Revenue méi hunn. Duerfir mussen dës Doktere a medezinescht Personal sech jo disponibel hale fir déi Aufgaben, déi si vum Ministère zougewise kréien. Hei gött et bei Betraffenen eng Onsécherheet: Gött deen Aarbechtsvertrag bezuelt, esoubal dësen ënnerschriwwen ass oder gött nëmme bezuelt, wa si eng Missioun kritt hunn? Ginn eventuell nëmmen d'Stonne bezuelt, déi si effektiv op enger Plaz fir de Staat schaffen?**

Déi Leit déi e Vertrag mam Staat ofgeschloss hunn, kréie 16 Stonnen an der Woch bezuelt fir hir Disponibilitéit an der Réserve. Wa si dann zousätzlech nach effektiv op eng Plaz affektéiert gi sinn, a méi wéi 16 Stonnen an der Woch geschafft hunn, hunn si déi zousätzlech Stonnen och bezuelt kritt.

- 4. Sinn déi Dokteren a Paramedezinner, déi am CDD fir de Staat schaffen, op derKrankekeess ageschriwwen?**

D'Dokteren a Paramedezinner déi en CDD mam Staat ofgeschloss hunn, kotiséieren effektiv op hirem Traitement fir d'CNS.

Als Äntwert op d'Froen 5 – 8, déi sech inhaltlech decken mat de Froen 1- 3 vun der parlamentarescher Fro n°2039 vum Deputéierten, gëtt op d'Äntwert vun Haut op déi Fro n°2039 verwisen.